

## Prosa:

---

### // Zehn Minudde

Herrschaftszeide, des derf doch wohl ned woher sei!  
Jetzt geh'n die Schranke scho widder runner.

Jed's mol. Un immer wenne ins G'schäft muss!

Ich schdeh mit meim Rädle vor de gschlossene Schrange beim  
Schtadtbohnhof un scheld vor me no.

Des koschd me widder en haufe Zeit, zehn Minudde.  
Mindeschdens.

Gut, wennders recht iwverlegsich, zehn Minudde, die gehn jo  
jede Daag eloi scho fier's „Bleedsinnschwätze“ druff,  
mindeschdens.

Un bei manchene Leid isch's sogar noch meh.

Von de annre Seit driwwe leichdet des rode Warnlicht ribber un  
d'Olag bimmelt penetrant vor sich no: Ding Dong, Ding Dong ...

Jetzt fange die aa noch o zu Rangiere!  
Em Pischon sei Trubbe iebt widder fleißig 's „Hin un Herfahre“.

Muss denn des grad jetzt sei?  
Die henn doch de ganze Daag Zeit dezu.

Von de Bahn aus Karlsruh' hat de oind Waage abkoppelt un isch  
grad durchfahre.

Uffem Bohschdeig drängle sich d'Leid.

Was ischen des jetzt?  
...die had se doch ned all!

So e junge Grod, mit Schdepfel in boide Ohre, dabbt in aller  
Seeleruh' iwwers' Glois niwwer.

Vom Albdahl her, kommt e Bahn o'gfahre un pfeift das derd Ohre klingle. Des gehder durch un durch.

Un des Mädle?

...des macht uff de annre Seit driwwe en eleganter Hopfer uff de Bohschdeig nuff un dabbt defo, als däd ses gar nix ogehe.

D'Leid schiddle nur mit em Kopf.

Schrange gehn nuff un ich trebbel los, in Richtung Schdadtgarde.

Iwwerm obbere Albgrien wurschdeld sich grad d'Sonn aus de graue Wolge.

E warms Licht streemd durch de Schdadtgarde, der jo oigentlich e Schtadtgärdle isch.

D'Beet sinn widder richdig schee o'glegt.  
Un rieche duds ned u'ognehm nach Friehling.

Woisch was, kommt mer uff oinmol in de Sinn.  
Jetzt nimmsch der e kloine Auszeit un hogsch de en Moment no.  
...grad so.  
Bisch eh scho zschbäd dro, do kommt's uff des aa nimmeh o.

Ich schdell mei Rädle newwe e Bank, hogg me no un lehn me gmiedlich zrigg.

Vor mer, uffem Weg, flitzt grad en kloiner Kerle mit seim Laufrädle vorbei und grinst debei wie e Honigkuchepferd.

Mensch, hat der en Zagge druff!

Hinnedroh kommt sei Mudder grennt un brilld, er soll langsam mache.  
Awwer des scheint den Krepfer gar ned zu indressiere.

Mol gugge wieviel Runde die boide um de Schbringbrunne schaffe.

„Koi Angschd, ich will ned schwätze, nur e bissl ausruhe“, saagt uff oimol jemand nebbe mer.

Erschrogge drehe de Kopf rum.

Ach Gott, was ischen des fier oiner?!  
Koi Ahnung, wo der so pleetzlich herkomme isch.

En ganz komischer Kauz isch des.  
Der hoggt do un guggt me aus seine hohle Auge oh.

'S graust' me grad.

E ganz ei'gfallenes Gsichd hatter unner seim dungle Schlapphut.  
Un erschd sei Händ.

Der isch jo nur Haut un Knoche!  
Mensch, der sieht jo aus, ...wie de Dod perseenlich.

„Isch widder viel Gschäft heid“, fangder o, „do braucht mer  
oifach mol e Paus', odder ned?“  
Debei grinsder me o, un endbleest sei garschdig's Gebiss.

„Schee, dass mer aa mol oinen find', der e bissl Zeit hat“,  
schwätzder weider.  
„D' moischde Leid henn des jo heid nimmeh.

'S isch jo scho verrickt. Vor lauder Zeit schbare, henn se fier nix  
meh Zeid un komme ned rechd zum Lebe.

Renne durch d'Welt, dass se debei faschd d'Schlabbe verliere.  
Des geht dann solang, bis se sich des schbare kenne, des Zeit  
schbare.

Dann isch's nämlich vorbei, mit em Lebe.  
Dann werd's ene vielleicht klar, was se driewe henn, awwer do  
isch's dann scho schbäd.

Ansonschde dabbe se durch d'Welt uff ihm Ego-Trip un merke  
faschd ned, was ums e rum vorgeht.  
Grad wie des Mädle ebbe uffem Bohschdeig.“

„Henn sie des vorhin mitgriegt?“, froge ganz iwwerraschd.

„Faschd, zum Glick fier die Grod, ware e kloie bissl schbäd  
dro, ...awwer des bassiert halt scho mol, wenn mer so viel zu du  
hat wie ich!“

Mir werd's uff oimol ganz annerschder.

„Jetzt muss e awwer widder, d' Erbet wardet!“, moinder dann,  
„en scheener Daag noch!“

Kaum hat er des g'saagt, ischer a scho mit seim wehende Mantel  
in Richtung Bohhof unnerwegs. Do biegender ums Eck.  
...un isch verschwunne.

Was waren des jetzt? Froog e me, un schiddel mit em Kopf.

Jo, des kommt defo, wenn mer ned richdigh frükschdigge dud,  
do grießsch halt dann so komische O' wandlung.

Am Beschde ich vergess die Sach un gugg' dass ins G'schäft  
komm.

I hogg me uff mei Rädle un trebbel los.

Herrschaftszeide, was ischen jetzt widder!

Vor de Poscht versucht grad oine rickwärts aus de  
Leopoldschdrooß raus zufahre.

Von de annre Seit will oiner rei, un kann ned, hinner sellem  
schdaut sich alles.

Die Fra hält mit ihm Projekt de ganz' Verkehr uff.

Mensch, des koschd me widder en haufe Zeit,  
...zehn Minudde, mindeschdens!

... mehr Texte auf Anfrage:



E-Mail